

Bingzgoj: Sawcuengh Fwencuengh Goeng'ik Sonhag Cungsim Venjbaiz

5 nyied 18 hauh, Bingzgoj Si Sawcuengh Fwencuengh Goeng'ik Sonhag Cungsim venjbaiz. Vih cienziep caeuq hwngfat vawsaw minzcuz vunznoix caeuq fwen Bouxcuengh, bi 2019 codaeuz, canghraiz Sawcuengh Yiz Ciz, Bingzgoj Minzyijban Couh Sanfang, Bingzgoj Fwenleux Hezvei veicangj Vangz Gozgvanh caeuq canghsei eu fwen Liengz Couhli, Lij Cunhgen daengj vunz gietdingh cauxlaeb Bingzgoj Si Sawcuengh Fwencuengh goeng-

ik sonhag cungsim, mienxcienz son gyoengq vunzlai dangdieg hag Sawcuengh caeuq eu fwen. Ndaej daengz Bingzgoj Si Cwnghez, Bingzgoj Si Vwnzvavangj, Bingzgoj Si Minzyijban daengj danhvei caenhrengz haeujcoengh. Cungsim daj bi 2019 doxdaeuj, banh liux 2 geiz banson'gyauq, hagseng 50 lai vunz, ceiq iq 10 bi, ceiq laux 50 bi, dingzlai hagseng rox doeg Sawcuengh yungh Sawcuengh cauh fwen, eu fwen.

(Daengz Daengz)

► Gyoengq lauxsei caeuq hagseng camgya venjbaiz vizsiz



▲ Vunzmbanj Yauzcuz hagsib song hoih cingsaenz.

Ningzmingz:

Song Hoih Cingsaenz Daengz Mbanj Yauzcuz

5 nyied 25 hauh, Ningzmingz Naznanz Henzguck Genjazcan bouxson'gyauq Cinz Ciginh bae daengz mbanj Yauzcuz yiengq vunzmbanj Yauzcuz senhconz bi 2020 daengx guek song hoih cingsaenz. Cinz Ciginh yiengq vunzmbanj Yauzcuz senhconz 《Cwngfuj Gunghcoz Baugau》Lij Gwzgyangz cunglij youq daih 13 gaiq daengx guek yinzda daih 3 mbat veiyi gwnzde guh haenx. Daegbied gangj daengz ndaw 《Cwngfuj Gunghcoz Baugau》daezok, duetgungz dwg gaiq hong dwgrengz cienzmienh cauhbaenz biengz siujganh ndeu, yaek saedbauj duetgungz biucinj, guhsaed guhmaenh hong banggungz, saedbauj boux gungzhoj lwyawz ndaej cienzbouh duet gungz.

(Couh Yizganh)

Yungzsuij: Daih'it Suhgi Cigboq Gai Gaeqdoj

5 nyied 20 hauh, youq Yungzsuij Myauzcuz Swciyen Dalang Cin Sanglij Cunh, daih'it suhgi Yangz Gez caeuq ranz dajciengx doenggvaq cigboq yiengq beixnuengx gwnz muengx doigai gij gaeqdoj dangdieg ciengx. Mboengqneix, daih'it suhgi Yangz Gez, byaij haeuj ranz nungminz, haeuj ciengzgaeq, doenggvaq soujgih cigboq, bang ranz gungzhoj siugai gaeqdoj, haigvangq gij roenloh, bang nungminz duet gungz baenz fouq buet coh siujganh.

(Lungz Linzci)



▲ Daih'it suhgi yiengq beixnuengx gwnz muengx doigai gaeqdoj.

Cingsih: Nyezhung Bouxcuengh Swnggeiz Hoh "Roek It"



▲ Hagseng daenj buh Bouxcuengh camgya swnggeiz.

Geij ngoenz gonq, Cingsih Si Fulenz caeuq yungzmeizdij cungsim lienzhab Cingsih Sizyen Siujyoz guh aen yizsiz swnggeiz aeu "yienfwngz gvaq roek it faenhgyaez youq ndawsim" guh cawjdae haenx. Doenggvaq mbat hozdung neix, demgiengz lauxsae hagseng rox ndiep cizdij caeuq nyinhdoengz minzcuz, gikleih gyoengqde yungh yienghsienq ndei angqcoux gunghcoz, hagsib, saedcej moq.

(Vangz Anhcungh)